

2. 2. UMUTWE WA II : Amategeko y'umwihariko areba bamwe mu bagenzi

2.2.1. ICYICIRO CYA I : Abanyamaguru

Ingingo ya 48 :

1. Uretse iyo hari amategeko yihariye yerekanwa n'ibimenyetso, utuyira turi ku mpande z'umuhanda n'inkengero zigiye hejuru bihariwe abanyamaguru.

Abanyamaguru batatanye cyangwa bagize udutsiko tudafatanyije gahunda kandi batanayobowe n'umwarimu Bategetswe kunyura mutuyira turi kumpande z'umuhanda no kunkengero zigiye hejuru uretse ubutaka butsingagiye butandukanya imihanda ibiri bwo bunyurwamo gusa n'abanyamaguru bashaka guhagarara akanya gato igihe bambukiranya umuhanda

2. Iyo hatari utuyira kumpande z'umuhanda cyangwa inkengero zigiye hejuru, cyangwa bidashobora kugendwa. abanyamaguru bagomba kunyura mu tuyira turi ku musezero w'umuhanda, bapfa gusa kutabura cyangwa kutabangamira uburyo bwo guhagarara akanya gato, bwo kubisikana cyangwa kunyuranaho by'abayobozi, bibaye ngombwa bagomba kwegera uruhanda rw'inyuma rw'inkengero y'umuhanda
3. Iyo nta nkengero y'umuhanda iringaniye cyangwa idashobora kugendwamo, abanyamaguru bashobora kunyura mu kayira k'abanyamagare cyangwa se mu muhanda.
4. Iyo banyuze mu kayira k'abanyamagare, **abanyamaguru bagomba kureka abanyamagare n'abagendera kuri velomoteri bagahita.**
5. Abanyamaguru ntibashobora kwambukiranya umuhanda batabanje kumenya ko bashobora kubigira bitabateye ibyago kandi bitabangamiye ibinyabiziga bigenda. Bagomba kunyura mu myanya yabagateganyirijwe iyo iri ahatageze kuri metero 50.
6. Ahari ibimenyetso by'amatare byagenewe abanyamaguru, abo **bagomba kubahiriza ibyerekanwa n'ayomatare;** Aho uburyo bwo kugenda mu muhanda butanzwe n'umukozi ubifitiye ububasha cyangwa amatare, **abagenzi bashobora kwambukiranya umuhanda uko uburyo bwo kugenda mu muhanda butanzwe mu cyerekezo bajyamo .**
7. Nta narimwe abagenzi bashobora gutinda mu muhanda cyangwa kuhahagarara keretse iyo hari impamvu.
8. Iyo umuhanda ugabanyijemo ibice byinshi bitandukanyijwe n'akihugiko kamwe cyangwa ubutaka butsingagiye, abanyamaguru bageze muri kimwe muri ibyo bice ntibashobora kwambuka ikindi gice gikurikiraho batubahirije ibivugwa cyangwa ibitegetswe n'iyi ngingo .
9. Abantu batwaye utunyabiziga tw'abana, abarwayi, cyangwa utw'ibimuga bubahiriza ibyo abanyamaguru bategetswe, ni nako ibimuga byitwaye mu tunyabiziga twabyo bigomba kubigenza, bipfa gusa kutihuta birengeje umunyamaguru ugenda bisanzwe .

2. 2.2. ICYICIRO CYA II : Ibinyabiziga biherekeranyije mu butumwa

Ingingo ya 49 :

1. Hagati y'imodoka ziherekeranyije mu butumwa zigamije urugendo rumwe **hagomba kuba byibura metero 30**
2. **Ibinyabiziga biherekeranyije mu butumwa ntibishobora gutonda uburebure burenga umurongo wa metero 500 iyo bibaye bityo ibinyabiziga biherekeranyije mu butumwa bishobora kugabanywamo amatsinda atanze umurongo atarengeje metero 50 z'uburebure kandi hagati yayo matsinda hakaba byibura metero 50 .**

Ariko rero ayo mategeko amaze kuvugwa haruguru ntakurikizwa ku binyabiziga by'abasirikare biherekeranyije.

- a) Mu nsiro ;
- b) Kuva bwije kugeza bukeye ;
- c) Igihe igihu kibuditse, kigatuma badashobora kureba neza muri metero 30 byibura .